



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Rebus Bohemicis Liber Singvlaris

Le Mire, Aubert

Lvgdvni, 1621

Regum, Principumque Bohemiae series, ab initio Regni ad nostra vsque tempora. Cap. II.

urn:nbn:de:hbz:466:1-11069

C A P V T I I.

*Regum Principumque Bohemiæ
series, ab initio Regni ad nostra
usque tempora.*

PRIMVS Bohemorũ Prin-
ceps fuit C Z E C H V S, gen-
tis conditor : quo absque
liberis defuncto , subrogatus est
suffragio populari

C R O C V S anno Christi 670.
qui cum tres filias reliquisset, suffe-
cta est patri

L I B V S S A anno 710. Cui P R E-
M I S L A V S anno 722. nupsit : ex
quo & Libussa, deinceps propagati
sunt Principes Bohemiæ : neque tã
ex Plebiscito , aut Lege, quàm usu
ipso, & cõsuetudine recepta & con-
tinuata , factus est hereditarius
Princi

Principatus; vsque adeò, vt cum heredes essent hebetes & parum apti, nihilominus respectu sanguinis succederēt; qualis omnino fuit Premislai & Libuffæ filius

5 NEZAMISLIVS anno 745. Huic successit filius

MNATHA an. 783. Huic item filius

V O G E N V S anno 804. Huic filius natu maior

KRESOMISLIVS, anno 832. alio nomine *Vnislavus* (etsi hic Dubravio est diuersus;) huic filius

NECLAN anno 852. Huic filius natu maior

H O S T I V I T V S anno. 871. Huic filius

10 BORIVOIVS, primus Christianus Princeps anno 890. Hic caussa Religionis Christianæ vexatus à Bohemis, voluntarium sibi elegit exilium in Moravia, & quòd
sine

sine Principe Respublica detrimentum pateretur, habitis comitiis, accersitus est ex Bauaria *Stoimirus*, ab Hostiuito Principe relegatus; sed mox reiectus, & unde venerat remissus est: qui proinde successionem sanguinis interrupisse, non est censendus, præsertim reuocato postmodum *Boriuoio*, & dignitati pristinae restituto. Qui adhuc superstes, quò liberius pietati operam daret, accitis Ordinibus, Principatum filio natu maiori tradidit. Is fuit ex S. *Ludmilla* coniuge

SPITIGNEVS anno 905. Huic breui defuncto, patre adhuc viuento, & volente successit frater

V RATISLAVS an. 907. Huic filius S. *WENCESLAVS* an. 921. qui Regiam dignitatem, ab *Othone* Imperatore delatam, vsurpare detrectauit. Iure tamen Rex fuit,
& pro

24 *De rebus Bohemicis*

& pro felici Bohemici regni auspicio primus meritò numerandus, anno 940. à fratre cæsus. Huic successit fratricida

15 BOLESLAVS, Sæuus appellatus, anno 929. Huic filius natus minor (quòd Strachiuas maior Ratisbonæ monachum professus esset.)

BOLESLAVS, Pius dictus, anno 967. Huic filius cognominis

BOLESLAVS, an. 999. qui luminibus priuatus, cessit filio maiori adhuc viuens Principatû. Is fuit

IAROMIRVS an. 1003. Hunc excæcauit frater, eidẽque successit

VDALRICVS an. 1004. Huic primogenitus.

20 BRETISLAVS an. 1033. Huic item maior filius

SPITIGNEVS an. 1055. Huic frater ætate proximus

VRA TISLAVS an. 1061. Hic ab Henrico IV. Imperatore Rex creatus

creatus, primus, facto ipso, Regem se gessit. Bretislao autem primogenito, ob contumaciam posthabito, viuens coram Ordinibus successorem sibi designauit *Conradum* fratrem. Sed Regius deinceps honor ac titulus ad annos 60. interruptus fuit.

CONRADVS anno 1093. hereditatem adiit. Huic breui defuncto successit Vratislai Regis filius (qui à patre fuerat exclusus)

BRETISLAUS an. 1093. Huic frater successit, ab ipsomet designatus,

BORIVOIVS an. 1100. Hunc 25 regno expulit Suatoplucus, ex Othone, Bretislai I. filio, natus, & principatum arripuit

SVATOPLVCVS anno 1107. Huic rursus successit, ex filiis Vratislai Regis,

VLADISLAUS an. 1109. Hic
B

26 *De rebus Bohemicis*

præterito Othone fratre maiori,
designavit successorem alterum
minorem. Is fuit

S O B I E S L A V S an. 1125. Hic
vicem rependens, ex filiis Vladif-
lai dixit heredem Vladislaum an-
no 1140.

V L A D I S L A V S II. postea à
Friderico Imperatore Barbarossa
creatus est II. Bohemiæ Rex. Sed
post ipsum denuò interregnū fuit.
Porrò Vladislaus adhuc viuens ad-
ministrationem Friderico filio tra-
didit.

30 F R I D E R I C V S anno 1173.
Hunc interuertit Vdalricus So-
bieslai Principis filius, & Vratislai
Regis nepos.

V D A L R I C V S anno 1174. qui
mox cessit fratri maiori Sobieslao.

S O B I E S L A V S verò II. anno
eodem 1174. est Princeps factus.
Sed hunc restitutus Fridericus de-
iecit.

iecit. Friderico defuncto successit

CONRADVS Leopoldi Znoi-
mensis filius anno 1181. Quo pe-
ste extincto

WENCESLAVS, Othonis
Nigri filius anno 1191. pro Prin-
cipatu cum Premislao, Vratislai
Regis filio, contendit: sed Wen-
ceslao interfecto, & Premislao ex-
cluso, pro bono pacis, rogatu pro-
cerum, successit

HENRICVS, Vladislai filius, 35
& Vladislai Regis frater, ex Epi-
copo Pragensi factus Princeps an-
no 1191. Hic, Republica laudabi-
liter administrata, Egram secessit,
Regni curam Ordinibus commen-
dans, vbi breui decessit. Ex Vla-
dislai Regis filiis, Vladislao & Pre-
mislao (quod senior tunc ignotus
exularet apud Ratisbonam in La-
comiis) prælatus est

VLADISLAVS anno 1197.

qui postmodum Premislao seniori cessit principatum.

P R E M I S L A V S, dictus Othocarus, Vladislai Regis filius anno 1197. à Philippo Imperatore manu propria coronatus Moguntiaë, in conuentu Principum, III. Rex Bohemiaë fuit: ex quo tēpore Regia dignitas continuata est, & ipse Wenceslaum Filium adhuc puerum coronauit.

W E N C E S L A V S Premislai filius, & ipse Othocarus nominatus, ac Rex IV. Bohemiaë anno 1231. fuit. Huic item successit

O T H O C A R V S, ita simpliciter nominatus, cognomentum aui quasi proprium sortitus, alioqui Premislaus Othocarus V. Rex anno 1254. Successit ei filius

4^o **W E N C E S L A V S** VI. Rex anno 1284. qui ex Iuditha Rudolphi I. Imperatoris filia, suscepit filium
VVen

Wenceslaum Iuniorem appella-
tum.

WENCESLAUS Iunior VII.
Rex, vltimus Bohemiæ Princeps
ex posteritate virili Premislai I.
fuit. Sed duæ illius sorores Anna,
& Elizabetha fuere superstites: de
quibus sequenti capite dicam.

C A P V T III.

*Reges Bohemiæ ex gente Lucen-
burgica, Austriaca, Polonica,
ac demum Austriaca.*

POSTEAQVAM heres mascu-
lus primæui Principū Bohe-
miæ sanguinis defecit, ex feminis
eiusdem prosapiæ propagati sunt
Reges Bohemiæ: & nunquam is
thronus caruit auito Principum
sanguine, nisi cùm *Georgius Podie-*